

IV. ERANSKINA

Arriskuei buruzko informazioa

KRIPTOAKTIBOETAN EGINDAKO INBERTSIOA OSO ESPEKULATIBOA ETA HEGAZKORRA DA, ALDAKETA ESANGURATSUAK IZAN DITZAKE, EZ DA EGOKIA MOTA GUZTIETAKO INBERTITZAILEENTZAT, ETA INBERTSIOAREN GUZTIZKO GALERA EKAR DEZAKE.

JARRI ARRETA HONAKO INFORMAZIO HONETAN –EGIN NAHI DUZUN INBERTSIOAREN GAINEKO ARRISKUEI BURUZKOA– ETA GALDETU ZURE ZALANTZAK EDOZEIN ERAGIKETA HASI AURRETIK.



ARRISKUEI BURUZKO INFORMAZIOA

1.1 **Arrisku handiko inbertsioa:** kriptoaktiboetan egindako inbertsioa oso espekulatiboa da, hegakortasun handia du eta ez du banku zentral batek edo beste agintari publiko batzuek babesten, inbertsioaren erabateko galera ekar dezakeelarik. Beraz, baliteke ondare pertsonalaren neurritz kanpoko esposizioa egokia ez izatea. Tresna konplexuak dira, eta baliteke aurreztaile txikientzat egokiak ez izatea. Haien prezioak espekulazio-osagai handia du, eta inbertsioa erabat galtzea ere eragin dezake.

1.2 **Bezeroa babesteko mekanismorik eza:** kriptoaktiboetako inbertsioak ez daude estalita bezeroa babesteko mekanismoen bidez, hala nola Gordailuak Bermatzeko Funtsaren edo Inbertsioak Bermatzeko Funtsaren bidez.

1.3 **Prezioen eraketa:** kriptoaktiboen prezioak manipulazioa galaraziko duten mekanismo eraginkorrik ezean era daitezke. Batzuetan, haiek babesteko informazio publikorik gabe ere osa daitezke. Kriptoaktiboek bat-bateko fluktuazio esanguratsuak izan ditzakete prezioetan, gorantz eta beherantz.

1.4 **Likidezia falta:** kriptoaktiboak inbertsio bat desegin ahal izateko beharrezkoa den likideziaz gabe ikus daitezke, galera esanguratsurik izan gabe, batez ere, inbertitzaileen arteko zirkulazioa, bai txikizkakoena, bai profesionalena, oso mugatua izan daitekeelako.

1.5 **Zaintzailearen kaudimengabezia-arriskua edo banku-suntsiarazpenaren arriskua:** bezeroen kriptoktiboak, aplikatzekoa den araudiaren arabera, zaintzailearen beraren kriptoktiboetatik behar bezala bereizita egon arren, gerta daiteke haren kaudimengabeziak inbertitzailea kriptoktiboaren titular gisa ez aitortzea.

1.6 **Ez dira ordainbideak:** legearen ikuspuntutik, kriptoktiboak ez dira ordaintzeko bidetzat hartzen, eta, beraz, ez dira nahitaez onartu behar zor edo bestelako obligazioei erantzuteko.

1.7 **Lapurreta-, iruzurr- edo galera-arriskuak:** gako pribatuak galtzeak edo lapurtzeak kriptoktiboak galtzea ekar dezake, eta ezin dira berreskuratu.

1.8 **Teknologiaren berezko arriskuak:** erregistro banatuko teknologiak heldze-fase goiztiarrean daude oraindik, eta sare horietako asko duela gutxi sortu dira; beraz, baliteke behar bezala frogatuta ez egotea eta funtzionamenduan eta segurtasunean akats nabarmenak egotea. Erregistro banatuko teknologietan oinarritutako sareetako transakzioen erregistroak adostasun-protokoloen bidez funtzionatzen du. Protokolo horiek erregistro hori aldatzen saiatzen diren erasoak jasan ditzakete, eta, erasoek arrakasta izanez gero, ez dago transakzio horiek eta gako publikoei dagozkien saldoak babesten dituen erregistro alternatiborik. Kriptoktibo guztiak gal daitezke

Kriptoktiboek eman ditzaketen anonimotasun-erraztasunek helburu bihurtzen dituzte zibergaizkileentzat; izan ere, kredentzialak edo gako pribatuak lapurtuz gero, kriptoktiboak berreskuratzea zailtzen edo eragozten duten helbideetara transferi ditzakete.

OSO GARRANTZITSUA. Ezinbestekoa da kriptoktiboetan inbertitu aurretik, lotutako arrisku eta balio guztiak kontuan hartzea, produktu hau eta zerbitzu desberdinak ulertzeko informazio nahikoa baduzu.